

Saksbehandlar: Merete Farstad, Plan- og samfunnsavdelinga
Sak nr.: 15/11669-1

Regional plan for vassforvaltning i Vassregion Vest-Viken 2016 -2021

::: Sett inn innstillingen under denne linja ↓

Fylkesrådmannen rår fylkesutvalet til å gje slik tilråding/gjere slikt vedtak:

Fylkesutvalet rår fylkestinget til å gjere slikt vedtak:

1. Fylkestinget vedtek *Regional plan for vannforvaltning i vannregion Vest-Viken 2016-2021* for dei areala som gjeld Sogn og Fjordane.
2. Fylkestinget vedtek *Handlingsprogram for vannregion Vest-Viken 2016* for dei areala som gjeld Sogn og Fjordane
3. Fylkestinget vedtek *Regionalt tiltaksprogram for vannregion Vest-Viken 2016-2021* for dei areala som gjeld Sogn og Fjordane

::: Sett inn innstillingen over denne linja ↑

... Sett inn saksutredningen under denne linja ↓

Vedlegg:

1. Regional plan for *vannregion Vest-Viken 2016-2021*
2. Handlingsprogram *vannregion Vest-Viken 2016-2021*
3. Tiltaksprogram *vannregion Vest-Viken 2016-2021* (vert ettersendt).

Andre dokument som ikkje ligg ved:

SAKSFRAMSTILLING

1. Bakgrunn for saka

Grunnen for at saka er fremja

Arbeidet med ein regional plan for vassforvaltning er forankra i vassforskrifta og utløyst av internasjonale plikter som Noreg har teke på seg knytt til vassdirektivet til EU. Den regionale vassforvaltningsplanen vert vedteken som ein regional plan etter plan- og bygningslova § 8-4 med dei særreglane som kjem av vassforskrifta. Vassforskrifta set nærare rammer for innhald og organisering.

Fylkestinga er regional planstyresmakt jf. PBL § 3-4 fjerde ledd og skal vedta Regional vassforvaltningsplan med tilhøyrande regionalt handlingsprogram og tiltaksprogram, som ein regional plan. For vassregion Vest-Viken er dette Fylkestinga i Buskerud, Telemark, Vestfold, Oppland, Sogn og Fjordane, Hordaland, Aust -Agder og Akershus. Fylka vedtek planen for sine geografiske område.

For at sentrale styresmakter skal kunne sikre at vi som nasjon følgjer opp dei nasjonale pliktene etter vassdirektivet, skal Klima- og miljødepartementet godkjenne dei regionale vassforvaltningsplanane.

Den regionale vassforvaltningsplanen, vedtaka i dei respektive fylkestinga og godkjenning av planen i Klima- og Miljødepartementet dannar til saman den godkjente forvaltningsplanen. Handlingsprogram og Tiltaksprogram er det fylkestinget som vedtek og dei går ikkje vidare til Klima- og Miljødepartementet.

Planen gjeld for perioden 2016-2021 og er den første av i alt tre planrundar. Planen skal rullerast kvart sjette år fram til og med 2033.

Vassregion Vest-Viken

Noreg er delt inn i 11 vassregionar, der vassregion Vest-Viken er ein av dei. Vassregiongrensene følger nedbørgrensene og ikkje dei administrative fylkesgrensene. Vassregion Vest-Viken omfattar 10 % av Noregs areal og husar 1/4 av innbyggjarane i landet. Regionen er delt inn i 18 vassområde etter nedbørfelt, og omfattar heilt eller delvis 75 kommunar i 8 fylke.

Vassregion Vest-Viken har mesteparten av areala i dei 4 «kjernefylka» Telemark, Vestfold, Buskerud, Oppland. Regionen har også areal i «randfylka» Akershus, Sogn og Fjordane, Hordaland og Aust-Agder. Buskerud fylkeskommune er vassregionstyresmakt. Arealet femner om alt landområde inkludert vassdraga, grunnvatn og kystvatn ut til ei nautisk mil utafor grunnlina.

Heile vassregionen dekkjer eit areal på 39.000 km². Sogn og Fjordane sin del av dette er 19,4 km². Arealet ligg i vassområde Hallingdal i kommunane Lærdal og Aurland.

Planprosess

Vassregionmynda for vassregion Vest-Viken er Buskerud fylkeskommune. Vassregionmynda styrer plan og prosessarbeidet med å utarbeide plandokumenta. Planen med tiltaksprogram og handlingsprogram er utarbeid i samråd med vassregionutvalet. Vassregionutvalet er sett saman av sektorstyresmaktar, kommunane og fylkeskommunar. Med andre ord sit dei som har verkemidlar til å betre vassmiljøet i vassregionutvalet. Ei politisk styringsgruppe med to politikarar frå kvart av dei 4 kjernefylke har arbeidd med å vurdere og prioritere utfordringane knytt til miljø og det viktigaste å ta tak i for Vest- Viken i 2016-2021. Grunnlaget for planen er utarbeida av vassområda i regionen.

Historikk - tidlegare vedtak

Gjennom planprosessen har det vore ei midtvegshøyring der vesentlege vassforvaltningsspørsmål i regionen har vore drøfta. Prosessen med vesentlege vassforvaltningsspørsmål og dei lokale tiltaksanalysane for vassområda i Vest- Viken har gitt det viktigaste grunnlaget for regional vassforvaltningsplan og regionalt tiltaksprogram.

Forvaltningsplanen med tilhøyrande tiltaksprogram og handlingsprogram har vore på høyring i perioden 01.07 - 31.12.14. Delar av planen var på 2. gongs høyring i perioden 20.05 - 14.07.15. Bakgrunnen for ei 2. gongs høyring (4 kapittel) var endringar knytt til miljømål. Miljømål er noko av det viktigaste i forvaltningsplanen. Vassregionstyresmakta såg det som viktig å sikre at endringar knytt til desse vart tilstrekkeleg opplyst før endeleg handsaming.

Sentrale problemstillingar

Sogn og Fjordane fylke har areal i vassområdet Hallingdal i vassregion – Vest-Viken. Her har 6 av sju vassførekomstar *svært god tilstand* og miljømålet er *svært god økologisk tilstand*. Ein vassførekomst har *god tilstand* og miljømålet for denne er *god økologisk tilstand*. Ingen vassførekomstar er definert som sterkt modifiserte vassførekomstar og får eit lågare miljømål. Ingen tiltak er registrert for desse vassførekomstane.

Utifrå dette ser miljømåla for vassførekomstar i Sogn og Fjordane alt å vere nådd. Det er i liten grad trong for vidare oppfølging av vassførekomstar i Sogn og Fjordane som høyrer til vassregion Vest-Viken.

3. Vurderingar og konsekvensar

Økonomi- og budsjettkonsekvensar

Dei ulike sektorstyresmaktane, fylkeskommune og kommunane er ansvarleg for å gjennomføre og bere kostandane ved tiltaka innanfor sine ansvarsområde. Det er den enkelte sektor som og er ansvarleg for kost – nytte vurderingar til planen.

Rettslege konsekvensar

Planen vert rapportert til EFTA sitt overvakingsorgan ESA og elektronisk til WISE i mars 2016. Tiltak som er satt i verk skal rapporterast til ESA midtvegs i planperioden dvs. utgangen av 2018. ESA vurderer om Noregs gjennomføring av planar er tilfredsstillande. Mangelfull gjennomføring kan ende i EFTA-domstolen.

Plankonsekvensar

Planane skal leggast til grunn for aktiviteten i regionale organ, for kommunal og statleg planlegging og for generell verksemd i vassregionen jf. vassforskrifta § 29 og plan- og bygningslova § 8-2.

Planen gjeld alle sektorar og skal medverke til å styre og samordne vassforvaltning og arealbruk på tvers av kommune- og fylkesgrenser. Om ei kommune ikkje rettar seg etter retningslinjene, vil dette gi grunnlag for motsegn til planane i kommunen.

Klima- og miljøkonsekvensar

Ved å auke kunnskapsgrunnlaget og å gjennomføre avbøtande tiltak i elvar, innsjøar, grunnvatn og kystvatn vil betre miljøtilstanden i vassførekomstane.

Handtering av høyringsinnspel

På <http://www.vannportalen.no/vannregioner/vestviken/> ligg høyringsdokument, innspel frå høyringane og oppsummering av innspela. I 1. høyring kom det inn 117 innspel og i 2. høyring 59 innspel

4. Konklusjon

Fylkesrådmannen ser på regional plan for vassforvaltning, som eit viktig verkty i arbeidet med å verne om og betre nytte vassressursane i fylket.

Noreg har ein svært fragmentert vassforvaltning, noko som stiller ekstra store krav til god samhandling. Planarbeidet er difor starten på å styrke heilskapleg vassforvaltning i planperioden og å arbeide langsiktig fram mot 2033 for å nå måla for vassressursane våre.

Fylkesrådmannen rår til at fylkesutvalet til regional plan for vassregion Vest-Viken blir vedteke slik han ligg føre. Fylkesrådmannen rår og til at tilhøyrande Handlingsprogram og Tiltaksprogram vert godkjent som del av planen. Vedtaket vil gjelde for dei areala som høyrer til Sogn og Fjordane fylke.

[... Sett inn saksutredningen over denne linja ↑](#)